

esse putamus. Causas vero et negotia, quę, in partibus illis ad audientiam discussionemque legatorum nostrorum<sup>2</sup> perlata, peccatis impediens congrua determinatione diffiniri non poterant, sicut officii nostri cura nemine nos rogante compellit, ad eum, quem iustitia postulaverit, finem adiuvante domino perducere procurabimus. Porro quę ipsi inde statuerunt, interim, donec ad nos negotia perferantur, immota manere volumus atque apostolica auctoritate precipimus. Deus autem omnipotens, qui bonorum omnium dator et auctor est, talem vos in votis vestris et actibus esse faciat, ut, cum ante cęlestes iudices, videlicet Petrum<sup>b</sup> et Paulum,<sup>b</sup> in futuro examine veneritis, nulla vos in illorum oculis, nisi quę remuneratione digna sit, conscientia denotare vel ostentare valeat. Data Rome XVI kalendas ianuarii, indictione XII.

## 65.

*Gregorius VII. papa Jaromiro, episcopo Pragensi, significat, Vratislao II, duci Bohemiae, quid mandaverit, eumque die XIII m. aprilis Romae esse iubet. Episcopatus Moraviensis possessiones interim tangi vetat.*

*Romae 1074 ian. 31.*

*Apographum in registro Gregorii VII in tabulario Vaticano, fol. 27. Lib. I, ep. 44.*

*Harduinus, Acta Concillior. VI, ps. 1, pag. 1230. — Dobner, Annales Hagec. V, pag. 429. — Boczek, Cod. dipl. Morav. I, pag. 148, num. 170. — Erben, Reg. I, pag. 61, num. 145. — Jaffé, Bibl. rer. German. II, pag. 62. — Jaffé, Reg. pontif.<sup>2</sup> num. 4821.*

Gregorius<sup>a</sup> episcopus, servus servorum dei, Jeromiro, Bragensi episcopo.<sup>1</sup> Quamquam inobędientia tua et culpa, quam in contemptu legatorum sanctę Romanę ecclesię perpetrasti, preces tuas, te absente et nondum parato satisfacere, recipi non meruerit, tamen ne ex apostolica, licet iusta, districtione absentationis tuę moram vel occasionem diutius defendere possis, necessitatem, qua te urgeri in epistola tua conquestus es, et impedimentum ad nos veniendi remove decrevimus. Itaque presenti auctoritate tibi restituimus et tenenda concedimus, quęcunque a legatis nostris, Bernardo videlicet et Gregorio, preter episcopale<sup>b</sup> officium tibi interdicta sunt, quoniam te, expoliatum rebus ecclesię tuę, inopia rerum necessariarum obędientiam debite satisfactionis non posse exequi, sicut supra diximus, conquerendo excusas. Atque hoc idem fratri tuo Vratislao duci per epistolam nostram notificavimus, ammonentes eum, ut de consuetis decimis et redditibus ecclesię tuę nihil in potestate sua tibi denegari patiatur aut subtrahi. Ammonemus igitur et ex parte apostolorum Petri et Pauli<sup>c</sup> et nostra per eos

64. <sup>2</sup>) Bernardi et Gregorii, diac. eccl. Rom.; v. supra num. 62.

65. a) rubro colore characteribus maiusculis scriptum. — b) corr. ex řępālę titulo posteriore eraso. — c) nomina characteribus maiusculis scripta.

<sup>1</sup>) Nota salutationem non inconsulte ac fortuito ommissam.

apostolica tibi auctoritate precipimus, ut nullis excusationibus absentiam tuam ulterius defendens, in ramis palmarum<sup>2</sup> apostolica adire limina non pretermittas, cognoscens fratrem tuum a nobis esse commonitum, ut Johannem, Moravensem episcopum, itidem ad nos venire commoneat et ex sua parte tales ad nos nuntios  
 5 dirigat, quibus in nostra possimus examinatione diffinire dissensionum causas.<sup>a</sup> Interim vero de possessionibus Moravensis episcopatus nihil te tangere volumus et precipimus, ne et ipse aliqua molestiarum excusatione presentiam suam conspectui nostro subtrahat. Prescriptum vero terminum adventus tui tu ipse ita mature fratri tuo duci indicare curato, ut Moravensem episcopum et suos le-  
 10 gatos una tecum ad apostolicam sedem dirigere possit. Data Rome II kalendas februarii, indictione XII.

## 66.

*Gregorius VII. papa Vratislao II., duci Bohemiae, mandat, ut Jaromiro, episcopo Pragensi, Romam vocato, omnia per legatos apostolicos adempta  
 15 praeter episcopale officium restituat. Monet, ut cum eodem Romam vel ipse adeat vel episcopum Moraviensem legatosque mittat. Romae 1074 ian. 31.*

*Apographum exstat in registro Gregorii VII in tabulario Vaticano fol. 27<sup>v</sup>—28. Lib. I, ep. 45.*

20 *Harduinus, Acta Concil. VI, ps. 1, pag. 1231 = Dobner, Annales Hagec. V, pag. 429 = Boczek, Cod. dipl. Mor. I, pag. 147, num. 169. — Erben, Reg. I, pag. 61, num. 144. — Jaffé, Bibl. rer. Germ. II, pag. 63. — Jaffé, Reg. pontif.<sup>2</sup> num. 4822.*

Gregorius<sup>a</sup> episcopus, servus servorum dei, Vratislao, duci Boemiorum, salutem et apostolicam benedictionem. Frater tuus Jeromirus, Bragensis episcopus, conqueritur, se expoliatum ecclesie sue rebus, inopia rerum necessariorum pro  
 25 reddenda ratione eorum, que sibi intenduntur, ad apostolicam sedem venire non posse. Quod quamquam eius inobedientia et tergiversatio valde promeruerit, tamen, ne hanc<sup>b</sup> absentationis sue occasionem pretendere possit, volumus atque precipimus, ut in integrum sibi restituantur, quecumque a legatis nostris, Bernardo videlicet et Gregorio, preter episcopale<sup>c</sup> officium interdicta sunt, et preter ea,  
 30 pro quibus Johannes Moravensis super eum clamat episcopus. Qua in re tuam maxime admonemus prudentiam, ut de consuetis decimis vel redditibus ecclesie nihil ei in tua potestate denegari patiaris aut subtrahi, nec aliquam sibi contrarietatem facias, per quam, ut ad nos venire non possit, impedimenta sibi consistere iterum conqueratur. Eo autem tempore, quo ipse, sicut per epistolam

35 65. *a)* 'dissensionum causas' supra lineam addidit manus alia.

*b)* = april. 13.

66. *a)* nomen rubro colore characteribus maiusculis scriptum. Epistolae praefigitur inscriptio rubricata: 'XLV. V. duci Boemie' — *b)* 'n' superscriptum. — *c)* genuine 'epalō', sed titulus posterior cancellatus.